



**YEKTLAJLAMIKILISMEJ
PARA MOCHIUAS MELAUAK
TEKITL IPAN AMATLALISTLI
TLEN TEKIPEJPENALISMEJ
IPAN AMO SAN SE
MASEUALTEKITILISMEJ TLEN
MOIXMAJTO TLAPEJPENALI,
IPAN TLAPEJPENALI TLEN
DIPUTACIONES UAN
TEKIKALMEJ 2024.**

YEKTLAJLAMIKILISMEJ PARA MOCHIUAS MELAUAK TEKITL IPAN AMATLALISTLI TLEN TEKIJEPENALISMEJ IPAN AMO SAN SE MASEUALTEKITILISMEJ TLEN MOIXMAJTO TLAPEJPENALI, IPAN TLAPEJPENALI TLEN DIPUTACIONES UAN TEKIKALMEJ 2024.

Achtouiya ipan nemiliskayotl tlen Mexko Tlali mochiuasej melauak tekintl para nechikolismej ipan iknokauali. Ini kichiuasej se pilkentsi tlappepechtli para tlapejpenalismej tlen ualauij. Kijjtosneki, ipan sekinoj tekijepenalismej monekis moyejyekos tlajtolmaseualyotl uan tlajtoltlachiuayotl tlen ipan mopantia Mexko Tlali, ijkinno kenij altepetlayejyekoli tlen nechikolismej ipan iknokauali, para moijtos tekintl tlen katij achiyo tepaleusej ipan mochiuali tlen innauatiltlakayotl tlapejpenaltlanauatili pejtos ika yektlajlamikilismej katij mochiykej ipan ini tlajtoli.

Para Tlapejpenali tlen Diputaciones uan Tekikalmej 2024, partidos políticos monekis kiitasej amatlalistli tlen tekijepenalismej ika tlen melauak tekintl tlen maseualmej katij kinmelaua sekinoj nechikolismej:

- Altepepej uan san maseualchinankomej
- Maseualmej afromexiquenses
- Maseualmej ika nochipa axyolchikauali
- Maseualmej LGBTTTIQ+

Ino amatlalistli kiitasej sekinoj yektlajlamikilismej:

1. Nechikoltlajtolmej

Ini yektlajlamikilismej kinextiaj kualmej tlanauatilismej tlen tlochkualnemili, kualchijchiuamej, motlaxtlauilmej uan tlen moyauali, kiukatosej kanke melauak sanse ipan amatlalistli tlen tekijepenalismej ika mochiuali tlen makuilpoualyotl tlen amatlalistli ika se sen maseualtekitl. Tlaxtlauilmej katij nika monextiaj kiijtosnekij se pilkentsi peuali tlen amatlalistli, yeka, ika tlatepanitali inselti kiijtouaj uan inselti monechikouaj tlen ika kipiaj partidos políticos para mokualchijchiuali tlen inchnemilis, ualtisej kiamatlalisej se ueyi tlapouali tlen nechikoltlapejpenalismej ika maseualmej katij euanij ipan nechikolismej ipan iknokauali katij monextijkej.

Tlaj ino makuilpoualyotl tlen amatlalistli elis ipan se achi tlapouali, moitas sekinoj:

- Kemaj majtlaktli iachiyo elis ueyi o iuikal kenij .50, moitas yajmaxti tlapouali seyok achiueyi.

Crerios para la implementación de acciones afirmativas


en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

Machiotl



- Kemaj majtlaktli iachiyo elis pilkentsi o iuikal kenij .49, san moitas yajmaxti tlapouali katij elis tlen mochiuali tlen makuilpoualyotl.

Machiotl



2. Monechikouanij tlen Tekikalmej

2.1 Tekikalmej

Partidos políticos, coaliciones o tekipejpenalimej katij moixmajtokej, tlen nochi tekipejpenalimej katij moixpantijkej para amatlalistli kanke maseualtekitl tlen tekikali, monekis kipiasej maske 3% tlen amatlalistimej ipan nechikotlapejpenalimej ika maseualmej euanij ipan nechikolimej tlen melauak tekkitl katij mochijkej ika ini Instituto, ipan katijueli tlen 125 chinantilankemej tlen Mexko Tlali. Monekis moamatlalis, maske, se nechikotlapejpenali tlen se sen nechikoli, para tlen katij, kenij teaxkatijketl kenij teixpataketyl monekis elisej ipan san se nechikoli.

Ika kampa asis tlen motemachtis kanke kalakili sanse maluili uan uelimej, para moixmatili, yolpakili o tlayejyekoli tlen tlanauatiltlakayotl uan katij monekij majkauilmej, maske se tlen nechikotlapejpenalimej katij moamatlalistimej ika tlen melauak tekkitl monekis mochiuas ipan se chinantilanti kanij eua nopa nechikolistli tlen nelkuali ueltili tlen partido, coalición o tekipejpenali katij moixmatito, kenij elis tlamanti.

2.2 Sindicaturas

Partidos políticos, coaliciones o tekipejpenalismej katij moixmajtokej, tlen nochi tekipejpenalismej katij moixpantijkej para moamatlalistli kanke maseualtekitl tlen sindicatura, monekis kipixtosej maske 3% tlen amatlalisimej ipan nechikopejpenalismej ika maseualmej euanij ipan nechikolismej tlen melauak tekitl katij mochijkej ika ini Instituto, ipan katijueli tlen 125 chinantilankemej tlen Mexko Tlali, maske se nechikolpejpenali tlen se sen nechikoli, tlen katij kenij teaxkatijketl kenij teixpataketl monekis elisej ipan san se nechikoli.

2.3 Regidurías

Partidos políticos, coaliciones o tekipejpenalismej katij moixmajtokej, tlen nochi tekipejpenalismej katij moixpantijkej para moamatlalistli kanke maseualtekitl tlen regiduría, monekis kipixtosej maske 5% tlen amatlalisimej ipan nechikolpejpenalismej ika maseualmej euanij ipan nechikolismej tlen melauak tekitl katij mochijkej ika ini Instituto, ipan katijueli tlen 125 chinantilankemej tlen Mexko Tlali. Tlen nochi nechikolpejpenalismej tlen katij Melauak Tekitl katij kinextisej monekis mopixtos maske 15% ipan se sen nechikoli. Ipan nochi tlamantinij, kenij teaxkatijketl kenij teixpataketl monekis elisej ipan san se nechikoli.

3. Diputaciones chaneuanij tlen miak tlausanilmej

Partidos políticos, coaliciones o tekipejpenalismej katij moixmajtokej tlen nochi tekipejpenalismej katij moixpantisej para moamatlalistli kanke maseualtekitl tlen diputaciones tlen miak tlausanilmej, monekis mopias maske 4% tlen amatlalisimej ipan nechikolpejpenalismej ika maseualmej euanij ipan nechikolismej tlen melauak tekitl katij mochijkej ika ini Instituto, ipan katijueli tlen 45 distritos electorales chaneuanij. Nechikolpejpenalismej monekis elisej, maske, tlen omej nechikolismej tlen melauak tekitl amo san se. Kenij teaxkatijketl kenij teixpataketl monekis elisej ipan san se nechikoli tlen melauak tekitl.

Ipan ini tlamanti, ika kampa asis tlen motemachtis kalakili kanke sanse maluili uan uelismej, para moixmatili, yolpakili o tlayejyekoli tlen tlanauatiltlakayotl uan katij monekij majkauilmej, maske se tlen nechikoltlapejpenalismej katij moamatlalistli ika tlen melauak tekitl monekis mochiuas ipan se distrito kanij eua nopa nechikolistli tlen nelkuali uelti tlen partido, coalición o tekipejpenali katij moixmatito, kenij elis tlamanti.

Crerios para la implementación de acciones afirmativas

en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

4. Tlen coaliciones uan tekipejpenalismej katij moixmajtokej

Tlaj uelis kenij amatlalistli tlen tekipejpenalismej euaj kanke melauak tekiti mochiuas ipan distritos uan chinantlanikemej katij kichiuaj tlen se Convenio tlen Coalición o Tekipejpenali katij Moixmatito, iyoka tlen kanij eua partido tlen tekipejpenali katij moamatlaliyto, moneltokas kenij moneltili tlaxtlauili tlen amatlalistli ika tlen melauak tekiti nopa partidos políticos inchampoyouaj tlen ininjuanti. Tlaxtlauili tlen tlajtlanilistli katij, tlaj poliuisia, monekis moaxitis ipan tlajtlanilismej katij kichiuasej partidos políticos inselti.

5. Tlen amatlajtoli katij moixpantis para moneltilis mopiali ipan se sen nechikoli tlen melauak tekiti

Ika kampa asis motemachili kenij amatlalistmej tlen melauak tekiti ma mochiuakaj ipan maseualmej katij nelia euanij ipan nechikolismej katij monextijkej, sansejko ika amatlajtlanilistli tlen amatlalistli uan amatlajtoli katij monextia ipan artículo 41 tlen Reglamento para amatlalistli tlen tekipejpenalismej tlen amo san se maseualtekiti tlen tlapejpenali katij moixmatito ipan IEEM, monekis kinextisej achiyo amatlajtoli kenij ini tlamanti:

- Altepemej uan maseualchinankomej (moneltiliyto motokayotili)
 - I. Carta tlen maseualmotokayotili (iyoktsi uan ika tlauasantli); uan
 - II. Constancia tlen maseualmotokayotili (iyoktsi uan ika tlauasantli):
Amatlajtoli temakato chinantlanechikolistli, ika chinantekichiuani o katij moixmajtokej, o ika tepaleuiyantekichiuani.
Ipan ini iyojtsi tlamanti monekisej omej amatlajtolmej motlauasaniytosej ika sekinoj tekichiuani.
- Maseualmej afromexiquenses (iyoktsi motokayotili)
 - I. Moixpantili ika tlaneltokixtili tlen kiiytos melauak, kanij kinextisej kenij elij tlen se chinanko afromexiquese (iyoktsi uan ika tlauasantli).

1 Tlen tetlauekakilistli ika tlen monextijto ipan:

Manual Diagnóstico uan Estadístico tlen Trastornos Mentales, DSM-5; ualtia moita ipan

<https://www.federacioncatalanadah.org/wp-content/uploads/2018/12/dsm5-manualdiagnosticoyestadisticodelostrastornosmentales-161006005112.pdf>

Clasificación Estadística Internacional tlen Kokolismej uan Kuesolmej Mosalojtosej ika Chikualistli, CIE-10; ualtia moitas ipan <https://ais.paho.org/classifications/chapters/pdf/volume1.pdf>

Clasificación Internacional del Funcionamiento, tlen Axyolchikauali uan Chikualistli, CIF; ualtia moitas ipan https://www.gob.mx/cms/uploads/attachment/file/2230/CIF_OMS.pdf

Crterios para la implementación de acciones afirmativas

en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

- Maseualmej ika nochipa axyolchikauali (moneltijto motokayotili)
 - I. Certificado tlen yolchikauali temakatos se kaltepajtiloyan, achikuali kichijos se ixtlamatketl tepajtijketl ipan axyolchikauali katij moneki monextis, monekis monextis katij ya axyolchikauali uan kenij ino ma eli tlen nochipa kualnemili (iyoktsi uan ika tokayotl, tlauasantli uan tlapouali tlen cédula profesional tlen tepajtijketl katij temaka, ijkinu kenij sello tlen kaltepajtiloyan); o
 - II. Iyoktsi ixkopinali tlen tlaixpa uan tlaika tlen Credencial Nacional para Maseualmej ika Axyolchikauali.

- Maseualmej LGBTTTIQ+ (iyoktsi motokayotili)
 - I. Moixpantili ika tlaneltokixtili tlen kiiytos melauak, kanij kiiytosej kanij elij tlen maseualmej LGBTTTIQ+, kinextijtos maseualtlakayonextili tlen ika moixmati. (iyoktsi uan ika tlauasantli); o
 - II. Mosiuajtilamatlajkuiloli tlen katijueli Tlajtokayotl; o
 - III. Credencial para tlauasanili ika moixmatili maseualmej katij amo siamej yon tlakamej “X”; o
 - IV. Tlakatilisamatlajkuiloli ika mokuelpali tlen tlakayonextili; o
 - V. Nauatilixpantili tlen tlaixnamik; o
 - VI. Amatlajkuiloli tlen se Asociación Civil (A.C.), Organización o Colectivo kanke moixpantis itekij ika tlapaleuili para maseualmej LGBTTTIQ+ uan mokitlauili tlen innekilimej.

6. Tlen axiltili amatlajtoli

Sekinoj amatlajtoli katij monextijto ipan tlapoauali 5, maseualmej katij moamatlaliykej ika se melauak tekintl monekis kinextisej se tekiamochtli ika tlapaleuili tlen maseualmej katij kiixpantiaj.

Nojkia, tokayotl tlen maseualmej katij moamatlalisej ika melauak tekintl, ijkinu kenij melauak tekintl motskijtos ika iamatlalistli, momoyauas pampa moitas miyakapa ipatik 2; nojkia, para tlamanti tlen maseualmej LGBTTTIQ+, nojkia elis miyakapa tlakayonextili tlen ika moixmatij.

2 Ika tlen mopia tlamantinij tlen moijitali RRA10703/21 uan RRA11955/21, mosenkajtosej ika Pleno del Instituto Nacional de Acceso a la Información y Protección de Datos Personales (INAI).

Crterios para la implementación de acciones afirmativas

en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

7. Tlen mopatlalistli tlen tekipejpenalismej katij moamatlajikej kanke tlapaleuili tlen se melauak tekitl

Tlen tetlauekkakilistli ika tlen monextijto ipan artículo 70 tlen Tlanauatili para amatlalistli tlen tekipejpenalismej amo san se maseualtekitl tlen moixmajto tlapajpenali ipan IEEM, para mopatlalistli tlen se maseuali katij moamatlajiki kanke tlapaleuili tlen se melauak tekitl, maseuali katij moixpantis monekis kiaxitis uan kinextis kanij eua kanke san se nechikoli tlen maseuali katij achtoui moamatlali, moitstos san se tlakayonextili tlen amatlalistli.

8. Tlen tlasenkuali tlen iukaltili tlakayonextili

Tlen nochi amatlalistimej monekis moyolpakiltisej ika tlajlamikili tlen iukali tlakayonextili ipan tlachialismej melauak, temantik uan nepanoli, moitstos tlen onkaj ipan Tlanauatili para Amatlalistli tlen Tekipejpenalismej ipan amo san se maseualtekitl tlen Moixmajto Tlapajpenali ipan Instituto Electoral tlen Mexko Tlali, Tlanauatilismej para motemachiltis amatlalistli uan nechikoli iukaltili uan tlasentili tlen tlajkotonyotl tlen tlapajpenali katij moixmatito ipan Mexko Tlali uan sekinoj tlanauatili katij mochiua.

Amatlalistimej katij mochiuasej ipan distritos uan chinantilankemej, para tlamanti tlen diputaciones uan tekikalmej, mokalakisej ipan katij kinmelaua nechikolismej tlen ueltili, para tlen katij maseualmej euanij ipan miyakili tlakayonextili, mopouasej ipan tlakayonextili tlen katij motokayotiliaj.

Ipan tlamanti tlaj, moamatlalistimej maseualmej katij amo siamej yon tlakamej, ika moixmatili tlen nauatiltlakayotl, tlanauatilmej uan tlapajpenalimej tlen maseualmej tlen miyakili tlakayonextili, ino kinkuilisej tlen amatlalistimej katij kinmakakej tlakamej, kenij ma amo kikokoli 50% tlen tekipejpenalimej tlen siamej.

9. Tlen mopantili

Partidos políticos, coaliciones uan tekipejpenalimej katij moixmajtokej, ualtiaskej kinamatlalistimej tekipejpenalimej katij, tlachiualkayotl uan maseualyo, euaj achiyo tlen se nechikoli ipan iknokauali, tel, mopouasej san para nechikoli kanke motokayotiliaj; yeka, san se nechikolpejpenali amo ualtias mopouas para mosenkauali tlen achiyo tlen se melauak tekitl.

Tekipejpenanij katij moitaj ipan ome o achiyo melauak tekitl, iyoka tlen ne tlen ika moamatlajikej, ualtiaskej kimoyauasej mopantilmej ipan katij, ika monelti tlen ininjuanti, moitaj.

10. Poluili tlen nauatiltlakayotl para kinnamatlalisej tekipejpenalissimej.

Tlaj kenij partidos políticos, coaliciones o tekipejpenalissimej katij moixmajtokej amo kiixpantisej amatlalissimej tlen tekipejpenalissimej ipan monekilissimej katij kiijtoua Consejo General katij kimelaua melauak tekitl tlen nechikolissimej ipan iknokauali, kipolosej nauatiltlakayotl tlen kinnamatlalisej tekipejpenalissimej ipan nochi tlapejpenali tlen katij kimelaua.

11. Tlajtolmoyualislti tlen kanij euaj tlen tekipejpenalissimej ika melauak tekitl a nechikolissimej ipan iknokauali

Tlen kenij elto ipan artículos 4, tlapouali 6, 19, fracción I, tlapouali 6 uan 24 iyojtsi párrafo tlen Tlanauatilissimej para Motekiuiili tlen Mekayotl “Siuatekipejpenanij uan Tekipejpenanij, Xikinixmati” para Tekipejpenalissimej chaneuanij, mopiali kanke nechikolissimej ipan iknokauali tlen tekipejpenanij katij moamatlalijtokej kanke tlapaleuili tlen se melauak tekitl, elis miyakapa.

